

陶文毅公全集

陶文毅公全集卷五十三目錄

詩集 五言古詩

辛酉正月二日登舟作

嘲須

過破刀嶺

紀楚佩太守 蘭 邀飲晴川樓用蘇韻

甲子五月初九日 大人五袞慶期同人將製錦

爲祝 謝 辭之丐以詩代是日置酒長郡新館會

者十數人卽席敬呈五言一章

書家季壽 章鴻 詩稟後

朱節母詩

和洪介亭領祿米詩

桃笙二十四韻

病熱

述夢

有序

游君山一日不見斑竹惟崇勝寺後寥寥數叢而
已問之寺僧云竹斑者往往爲游人伐取去是
以日少旁有小沙彌云聞斑竹是湘妃血淚所
染不知當日何爲灑淚始知竹害也爲之粲然天
下名之所在害亦隨之感沙彌言因成此詩

滙口別周生伯升 崔生信卿 兼寄魏生顯村

乃有此廬落成二首時丁卯臘月朔日

德山懷古

嘉山懷古

游一葉菴

汪容川司馬注 邀游三鳳山尋范文正公洗墨池

遺蹟

寄戴柏亭錫嘉

長沙別子晉

早發安肅憩道旁慈航寺

新樂道中卽事

同史松軒編修騎馬入井陘口

祁縣

趙城懷古

國士橋弔青萍

猗氏縣

馬道驛蕭相國追韓侯處

七盤關

嘲輿夫

曉從孔道新過劍關

秦宓故宅

舟泊瀘州夢游峨眉山醒紀以詩

涪州點易洞

巴陽峽

明良殿謁漢昭烈帝像

蝦蟆碚

葉縣懷古

定州西望恒山不見作歌

送少司寇秦小峴先生瀛歸梁溪草堂卽用留別

原韻

長沙試館牆隅有槐一株湘潭陳滄洲先生罷蘇

州守入直

武英殿修書時所植也暇日與李柏喬在青尹墨卿

作翰

蔡鐵君姓裴芥舟掄張雲池履信蔡玉階

世瑣

胡甘園謝坐其下因約購石爲欄護之且

植碑焉分賦得手字

贈萬小岑

鼎洋

李薌甫兵部招集借綠山房賞菊

金淑人割股詩

三十四初度修撰彭寶臣

漢

徇修何仙槎

凌漢

聶

蓉峰 銑敏 賀耦耕 長齡 孝廉謝心蘭 興曉 同集

印心石屋賦得盆松用二冬全韻

題古木寒鴉圖

喜馬湘門至自粵東

次韻答李柏喬

題楊同年 維謐 琴鶴圖卽送之官保定

馬逸 有序

奉送徐珊仲師出守登州

送方桐許轉運 應綸 之官廣東

題朱虹舫前輩瑣闥分校圖

蘭竹石圖卷爲林敏齋編修

培厚作

消寒第六會吳蘭雪舍人陳石士編修朱蘭友侍
講謝向亭編修胡墨莊侍御錢衍石農部同集
印心石屋試安化茶成詩四首

董琴南編修以事未與品茶之會翼日詩先成且
索茶爲贈輒致頭綱一餅次原韻奉酬

題蔡鐵君

姓

貢米圖

潞河秋別圖送關午亭

炳

歸省

陶文毅公全集卷五十三

詩集 五言古詩

辛酉正月二日登舟作

淑氣入江皋新晴送芳藹舟行煙樹中路向春波
外男兒志四方矧此夔龍會臨風拭吳鉤炸燭星
芒大新水昨夜生湍湍下寒瀨笑指出山雲雲夢
何能芥

嘲須

我生秉秋氣未冠容已瘁情多故善愁骨屯難爲
媚况乃困飢驅風塵日憔悴萬物勞人形一隙乘

暇至去歲月秋冬覺有微須意壯心逼人來耿耿
填胸次逐隊入都門長途思騁驥目擊諸少年看
花馬蹄駛意氣驕春雲光輝射林翠此事亦人爲
感至翻成愧屈指臨風身計年剛廿四丈夫立三
十而我尙夢寐詎知于思況輒復輕嘗試初猶曰
柔止零星無統率漸至維日剛隊隊相鱗比粗者
蔚然深細者仰而跋有如秧鍼抽排立將成穠又
如葛之覃蔓延中遠施插箭羽猶張持鑣器止利
輔邊屯先鋒領下散游騎分兵上兩腮大戟倒持
靱遂使白而生無計相迴避拔之旣不勝茅茹連

彙出翦之復可惜英華重擲棄不見當事人栽培
良不易頃有栽須者見我聞古賢豪韞蘇實拔萃
使君此不凡黃須大奇異獨有旅人情尙怪其來
亟請爲訂後期三載惟汝植檢點平生心須眉男
子事

過破刀嶺

山勢龐然來氣體頽以放如彼跳梁人尊大殊自
妄盤踞腹內深磊砢支外向上竦高插霄下臨幽
入壙奇石鬱雲根心巧出鬼匠絕磴猿猱愁側身
路交讓其旁環萬山高低出新樣劒佩而雄冠侍

立何行行天險不可升茲行豈孟浪閱此肩輿人
吾趾聊用壯盤曲蟻穿珠扳附蝨緣續登頓十餘
里逕造層雲上舉目望下方峻險非一狀且勿歌
路難吾心自昭曠

紀楚佩太守

蘭

邀飲晴川樓用蘇韻

微和漾輕晴曉雨收殘汁高樓縹緲間翠滴雲衣
溼鱗屋郭外生野趣座中得舊綠迴芳草洲空帆
影急濛濛武昌柳已作綠頭鴨江聲亘長流天勢
敞四幕高岩挂深青日腳下餘赤故應結步來淋
漓浮大白快哉此披襟脫略還岸幘呼火煮芙蓉

靜聽銅龍泣浩歌凌天風壺邊擊欲缺醉倒孔融
尊吾儕非惡客驅馬踏月還良夜夢清集

甲子五月初九日 大人五裘慶期同人將製錦
爲祝謝辭之可以詩代是日置酒長郡新館會
者十數人卽席敬呈五言一章

維嘉慶九年甲子元書首當午夏正中其日月初
九 老父方五旬不獲侍左右凌晨肅衣冠鞠脰
遙爲壽是時榴花開豔色照窗牖冰漿碧盃盛十
丈船分藕俄聞車馬聲牽率到諸友入門喜相迎
再拜祝黃耆蔬肴且爲歡卽席命杯卣酒酣客致

詞此會蓋非偶頌禱臚屏言陳例昔所有曷不飾
華軸佳話垂永久起謝悉斯言見教意良厚但恐
駢儷家妃白非韓柳虎豹毛雖文辭與犬羊醜譌
言古所譏吾親慮弗受抗心貴古希徵辭毋俗
狃請以詩爲文庶幾歌當酒吟詠本性情千金珍
享帚倘得揮琚璣拜覬豈惟走四座嘽然言子云
誠善誘盍不倡其先繼聲當在後感茲意興飛握
管風生肘引玉且拋瓢嘉惠佇瓊玖詩成上座呈
聯和哦羣口更闌客醉歸南望星輝斗

書家季壽

章鴻

詩彙後

文章如雲氣舒卷有自然神風一相遭變幻天無
權握管不脫俗僵蠶困繭纏膏肓入二豎倉扁何
能痊快哉季子詩奇氣得自天鍊章如鍊石使事
如使錢高者摩碧落下者窮重淵大步闖驪穴探
得領下懸閃爍出百怪神工辭雕鑄想當搆思時
不作時世妍鐵色一枝筆七札能洞穿破竹旣得
勢鼓勇行無前縱橫矢石間颯爽揮戈鋌須眉忽
飛動百戰旗獨舉回視壁上客頭項成縮鰷伊余
苦力弱阻險張空弔然而雞肋軀亦欲當尊拳譬
之見大敵勇氣勵益堅挑師雖敢事橐鞬且周旋

秋風蕩煩熱清氣靜中扇課茗倘無事洗眼來新篇

朱節母詩

同年琦之母

哲后理萬化必自節義始綽楔表貞操用以式閭里要
之冰雪心初念不及此慷慨與從容志各行其是
久而德彌光天道因應爾朱母汪太君大節堅金
似十六愴離鸞登門清自矢平生未一面辛苦存
夫祀案頭長蒲盧堂前潔滌澣白髮裹秋霜回頭
今五紀令子縷懿行錦軸羅文綺捧讀起肅敬三
歎不能已旣欽節母賢復勗嗣君美從來語顯揚

養志有芳軌懷清古所欲大筆輝彤史翩翩戲綵
衣色耀宮袍紫世德與

國恩君乃兼之矣忠臣節孝心三者無二理努力崇
令德毋忘節婦子

和洪介亭領祿米詩

夙聞長安米價高有如玉有才不易居况乃才不
足自從廁荀班三載中祕讀陳編僅盜竊虛糜費
梁肉常恐七尺身遠愧一囊粟匪頌天上來厚澤
小臣沐名分烏節種色辨桃花簇顆粒皆

君恩何計斗與斛洪君飲經人每日常晝粥得米一室

蘇買酒諸友速釜滿滌塵埃饌精雜蒲葍頗異先
生盤不負將軍腹大嚼老饕同拈詩舉座屬抑我
讀君什彌復感優渥

國家別流品大小功詔祿七品雖微員此官特不俗
欲期不素餐豈惟有道穀近聞東南方農田僅半
熟復聞運河水噴沙如塞谷南船阻回程萬算插
爐舳篙人臥檣頭望食飢若鶩

國計重

神倉飛挽費往復十年雖廣儲八口待俯畜

聖主宵旰思纖悉周蔀屋自維飽帑藏無以贊謀鞠乾

飯聊可饜豈暇問瓶蓄何況古之人溫飽非所欲

桃笙二十四韻

斲匠裂桃枝吳笙出妙製交柯漬深痕密葉疊奇
勢砥削端且平酥凝滑而細嵌冰慄俯摩鍊水炫
遙睇皺若虬偃鱗輕如蟬抱蛻玲瓏襯蛟豪疏爽
帖驚毳質淨用彌珍節堅氣愈勵每當九夏來絕
少片雲翳汗匝拋盤丸熇蒸坐甌算艱難石欲焦
煨灼金能焚耳井思潄潄心旌怯浴曳蔭桑侶莫
偕化鄧慮徒切所賴延涼材堪爲消暑計呼奴搯
地鋪對客憑牀憩八尺浮晶瑩一堂散清脆渾疑

玉化煙忽覺風生颺積冷避交蠅餘寒送舊蛸半
枕偶麻茶數聲或歆噓北牖朝不塵南榮晝無境
沖期祛背煩佳想得新慧盎若春滿庭粲然花糝
砌怡顏勝倚藤陶夜侔酌桂光彩自照耀陰陽此
調劑高吟舊瞻韓裁爾一懷德

病熱

熱氣不可遏乃從頭上來浸淫徧支體蔓引如陳
菱兩顴縮不張痛若攢金鎚十指欲蜷曲瘦削憐
麻稽炎炎燎原勢筋骨俱薪柴但覺兩耳間恍惚
皆風雷臆氣澀莫出塘塞等封坏汗漿一傾瀉淋

瀟瀟胸懷平生五千卷料想成灰煤安得化鱗鯉
臨流暴須臾跳身清涼國洗此胸中埃衆醫昧病
源藥物強編排欲於車薪火掾以水一杯伏枕苦
暝眩雙吻噤不開餘臭達戶牖棄渣成邱臺治標
計未得助虐勢愈乖微軀試藥具命薄理則該奈
何苦我口無乃偏枯哉不如謝草木清心坐空齋
飲食自調攝起居無驚猜學道愧淺涉愛身宜厚
培人生天地間江海一帆桅防禦苟不早風石愁
傾頽小恙何足言所貴能自材努力千金軀寒暑
不爲災

述夢 有序

苦塊餘生久廢吟詠感念何怙惟時相見以夢
或比時卽悟有人天之隔往往驚泣而寤不知
枕函之已溼也昨禪服之夕忽復見夢於家人
晨起言之略同而伯父羨周翁乃夢雙燈前導
肩輿自縣城來相呼慰問如生平尤以爲異是
日適安奉 神主之期謹披淚成此

塵土封硯匣發聲成涕泗昊蒼降鞠凶哀哀空此
世憶我戴星初方在鑾坡內奇報警宵微痛定心
還悸一夕泣血餘幽夢結枕塊恍惚入官府滿堂

環掾吏上坐八九人 大人位西位據案理文書

手若不遑置我廁衆人中挾冊時効暱良久以冊

呈首肯顏色霽旣醒告同舍

謂家季壽大令云此徐東渠庶常

證仙尉正直爲神明斯言良不昧未敢語衆人恐

驚爲謬僞何來疇昔夜復導雙燈至入門呼阿兄

聲響出神氣訓辭徧家人同牀夢不異固知差自

樂天上成樓記憫此癡兒女未忍忘教誨回憶三

載中何曾隔宵寐平生育子心一經自餉遺詩書

不食報大德負天地拔淚成此辭心結語無次所

飢夢有靈時得承警款

游君山一日不見斑竹惟崇勝寺後寥寥數叢而
已問之寺僧云竹斑者往往爲游人伐取去是
以日少旁有小沙彌曰聞斑竹是湘妃血淚所
染不知當日何爲灑淚貽竹害也爲之粲然天
下名之所在害亦隨之感沙彌言因成此詩

二妃昔南來淚灑湖上竹至今風雨梢空山聞夜
哭似訴往來人何苦肆荼毒根亥雖自守零落不
成簇雖有修竦資難勝斧斤剝誰知小沙彌一語
發其覆貽害由淚痕虛名徒召辱此理古同然世
事棊變局鵝以能鳴生豈異不材木安能苟取容

改易真面目猶勝方竹枝生來被桎梏

山有方竹乃筍簞時

用板束之非生而能方也

滙口別周生

伯升翟生信卿

兼寄魏生

顯村

周生如叔度揚挹中不移信卿翟公齋慷慨存風
儀二子抱古誼臭味無差池兩載灋陽城風雨親
臯比出藍念彼美染素慚余師昨來忽言別已見
雙淚垂臨送愈戀戀小艇同瓜皮計程百餘里分
手理則宜纏綿察至意猶若未忍離行杯共斟酌
落落珠盈卮雅誼一何厚余情能不悲古人重意
氣不在常追隨肝膽一相照萬里如見之如其不

必然對面隔心脾感子綢繆意爲贈金石辭解纜
涔陽浦風帆各自馳歸如遇魏萬見此心應知
乃有此廬落成二首時丁卯臘月朔日

梁燕搆泥窩滴滴口中涎蝸廬挂一殼聊足供盤
旋仲冬月幾望我居方卜灋嘉平之朔日斯千咏
新篇旁觀託神速謂我工力專豈知道旁築經始
已多年泣思先子時嘯歌一室偏老屋不三間
瓦缺無全椽左右交衆木支撐防其顛清風出四
壁星月搖牀邊賓客門外來宿宿紛輻輳一間割
爲二寢後廚當前中夜兒女啼隔壁驚客眠豈不

甚踟躕處素良自然憫此屋與基購置百千錢辛
苦舌耕積刮毛未成邇方期歲有秋田幽謀喬遷
詎知玉樓成促名還諸天回思住世日未獲一夕
便留貽有舊址一簣忍棄捐永懷肯堂構淚下如
流泉

日月迅跳九卅歲又一夜

先日余三十初度

壯氣卓心旌

驚起中宵臥鄰人喜廬成爲壽且致賀入門挈榼
壺香醅傾梳糲歡言各有情抗聲起高座謂子行
出山志固異田舍大庇果如懷何必吾廬破繩樞
貫難仍毋乃需改作多謝父老言此舉實無那丈

夫宅四方未遂謀閒暇我有十餘口無田可耕稼
長安亦難居豈能同稅駕欲爲處者處聊用庇冬
夏要知白屋中不少公卿亞先人有遺慶門戶
會當大

德山懷古

許由淬唐風務光彌商節黃屋輕敝屣先後如一
轍想當艱難時宏濟需俊傑量力既不能藉此藏
其拙或云莊列徒言辭多誑謫子虛亡是公姓字
皆假設我讀夏殷書聖賢燦行列豈有陟后才不
比夔與契何來在洛濱善德名猶竊松杉鬱雲壇

塙影懸石絕云昔善卷子棄世等羈紲高讓謝重
華來此荒山出釣遊詎有常舊蹟人猶說諒同箕
山上古墓懸遺穴遼遼千載前疑似誰能別要當
略眞僞存此標往烈高蹈非庸行亦足警饕餮

嘉山懷古

山在澧州孟姜垆上相傳姜女登之望夫以絨畫竹至今竹葉如絲又有鏡石

嬴政昔不道耀武北築城暴師斷地脈起洮連東
瀛死亡日枕藉白骨如山撐悲哉孟姜女尋夫萬
里行覓骼不可識一哭天地驚風雲慘無色鼇柱
爲摧傾大節照白日耿耿今猶生望夫有高臺千
載配懷清我來捫薜荔覽古懷精誠村巫走伏臘

廟貌飛疏甍桑梓自古意草木猶哀情長城今故
在徽號人非秦不及此山石長傳貞烈名

遊一葉庵

暑氣逼荒齋酷若蚌銜鵒焦爛人不雨渴死安得
出今朝誓振作結伴尋林樾一徑入煙蘿郭外得
靈窟地偏迴不塵雲氣午猶密新赤荷上花深青
竹生節牆低納遠山一角露微缺栗留枝上禽已
作黃金色高談仰古槐閣足暫休息冥想昔煩祛
靜娛新慧得興發呼奚僮一壺斟大白忘懷對聖
賢何暇論主客颯然清風生滿林松響急衣襟上

暮寒毛髮森欲立踏月尋路歸香露稻花溼

汪容川司馬

注

邀遊三鳳山尋范文正公洗墨池

遺蹟

山勢蔚城根拳拳聳峭嶢矯若三鳳凰接翅空際
落池水鑑其陽天然助飛躍誰歟蠟屐來平地空
能鑿咄咄老使君興致殊不惡奇情放天嶺肯使
紗帽縛健步踔石垣頃刻山在腳騶從屏喧闐婦
孺謝駭愕煙望肆冥揆雲矚無近託是時春已深
微雨洗叢薄麥風交野畦花氣盎城郭四顧淩萬
山千里如包絡覽物興旣遙懷賢意尤恪永念畫

粥人江湖塵憂樂風雨空山邊墨蹟零一勺抗心
自古希步塵翻內忤山水樂知仁志士羞落莫從
來語不朽豈獨在邱壑曠覽諒深情俯仰今猶昨

寄戴柏亭

錫嘉

柏亭如古柏輪囷無俗妍鐵幹蟠老氣骨節撐風
煙肯肯念堂構世德箕裘延一藝課諸子書城思
摩堅鄉評有月旦此老衆口賢自我來澧水三載
交忘年把盞對永夕夜雨燈花然清言得未有每
使塵懷觸憶昔紫宸翁戴君恩號紫宸嘗平者首
斬通天柱王剛等官至三
邊巡撫見明史實君之祖先堂堂張楚軍巨臂支南天撫

晉有疏草遺愛留三邊我不及見之因君想象焉
恩恩判袂來思君夢常牽暮雲與春樹結想勞心
煎側聞近日狀翼鏢猶從前煙霞臥老屋花竹栽
閒田時復蠟雙屐長嘯春山顛鄉人詫相告地行
來神仙惜不一登堂壽酒浮玉船時因晨風發寄
此停雲篇

長沙別子晉

久聚日忘樂遠送情益悲涼風吹五兩別我湘水
湄湘水何冷冽客路何逶迤雙槩劃南北頃刻天
一涯情話諒已悉意若有餘辭握手苦難盡且復

立移時

結髮爲弟兄聚少離偏數少歲痛失恃家道况蕭
索我隨阿父出頭上纔總角君隨伯也居齒穉
力尤弱晚歸牧兒歌朝出樵夫斫十七君始讀乃
得同燈幕逾年我入都緇塵溷京洛北轍復南轅
蹤跡風邊簞屨驅地無常彼此相思各歲晚每一
逢對面淚如濯但見乃兄窮誰云家弟樂辛苦可
憐蟲慚愧同林雀

憶昔甲子春北上辭阿父牽衣拜膝前顏色慘
仰睹阿父見兒悲恐兒疏進取謂我頗年來益

知愼寒暑瀕死尙可回

上戊夏 大人遭疾甚矧
危遇異人與藥得愈

茲疾良愈平生誦詩書報

國身自許奮飛縱未能負荷當在汝汝弟送汝行汝
行毋路阻悲戀旣不能輾轉心良苦臨行目強起
送兒江之濤亦知費支持差幸便肱股舟行條已
遙雙淚望如縷誰知罪戾深隔歲悲何怙欲養竟
無由愴極升與釜太息湘江隈與君曾延佇煙波
又此別淒惻愁風雨所悲同來時不聞 阿父語
青令古有咏感慨悲乃兄念君惇且樸發語由中
誠送我一月來戀戀如孩嬰憐我浮雲蹤歲暮方

遠征同行百餘指赤手殊非情寒暑語我慎意氣
語我平宛轉辭彌摯聲淚相爲并拭手君勿淚此
意吾自明生材天有用簞瓢非所撓書田餘百畝
舊業猶能耕我已忘君處君毋憂我行但當共勉
勵勿隳先人聲

早發安肅憩道旁慈航寺

遠色開朝暎驛路殘燈耿卻下紫花驢一訊慈氏
境窗煙生暗涼石氣助清整暫息亦忘機空階落
松影

新樂道中卽事

身昨出都門泥深沒車軌好雨及時行道路咸稱
快揭來三日間所見忽殊態土脈赤且墳原田半
灰塋天公本至公噓若分兩戒雲師匿不行風伯
怒不殺一任烈火輪竟日空中曬道旁老農夫迎
予馬前拜問予遇雨否欲訴先歎喟自言春徂夏
千里稀霏霽二麥已枯焦野色偃菅蒯惟餘縣東
隅地窪可用耒半熟縱無多亦得備粗糲豈意介
休王轟鞠肆狡獪一夜雹車來盡作冰花碎側聞
來歲春

特典舉時邁游豫莅臺懷扈從盛冠蓋

聖主憂民憂先事杜科派惟民自有情夙昔荷汪濊壺
漿計若空何由展愛戴下馬慰父老努力且自愛
我

皇官陰陽昭格誠可會袞袞數鉅公變理職匪懈時若
協休徵偏災諒無害但愧皇華臣極目空凋瘵古
云雨隨車俯仰中心瘳

同史松軒編修騎馬入井陘口

路入土門口邃若盤羊腸稍來東天門絕頂俯太
行人家穴山麓危閣凌雲間鉅石道左立猗猗蹲
虎狼其屹列戶閤其銳磨千將飛空走峭嶠氣盛

不可當徑仄步益窘輿夫皆踉蹌壯哉東史氏呼
我乘騶驎青絲振絡頭健僕前引韁一步一迴折
四顧增徬徨銜轡豈不虞所恃我馬良山椒一何
窈良人甫在望低頭視我馬骨節森開張挺挺露
雙脊漸失五文章解鞍此憩息血汗交錦幃太息
征車閒從古羈飛黃馬力豈不駿馬色已元黃所
以騏驎羣哀鳴思孫陽

祁縣

驅車過祁縣中有祁奚墳祁奚古賢宰舉仇復舉
親我謂奚固賢賢其君知人其君苟不賢焉辨僞

與眞舉仇近狡獪舉親近要恩要恩庸情耳狡獪
非所論古來老奸猾機變險且神陽博舉賢譽陰
以戕其身君看藍面鬼乃殺顏清臣

趙城懷古

處父造石槨受命商辛主槨成商已亡報命無處
所爲壇霍太山哀告意良苦遂死霍山前石棺帝
所予人臣忠所事詎不論出處袁公殉蒼梧究自
勝王褚苗裔周頑民晚乃得造父屢傳襲晉卿食
邑復茲土當時有飛廉助惡爲險阻周師驅之東
肝腦塗海澣處父亦飛廉名乃耦二五致令千載

下黑白無人剖太息羸火餘世家久無譜良楷不
同林讀書慎稽古曾參非曾參無爲妄投杼

國士橋弔青荇

青荇事見
呂氏春秋

刺客傳五人曹沫蓋智士專諸及聶政亂世劇盜
耳志決身亦殲荆卿與豫子荆卿初出時田光爲
之死豫子伏橋下青荇亦如是殺身明不洩慷慨
起頑鄙所惜莽趙臣受命察奸究自賊不辦賊得
毋負任使伍胥中包胥公私史交美李璿石演芬
致命亦其理君親友三者未可一例視泰山與鴻
毛徒爲故人恥史公削不書諒哉宜有旨

猗氏縣

本郇伯邑始皇以猗頓所居改名

祖龍混六合暴戾事屠剽詩書化灰飛功臣悉誅
譴長城骨不收慘淡神鬼眩獨爲寡婦清築臺示
殊眷豈真鷹化鳩錢刀在所先有財善驅使坐致
千乘援抑猶有說辭其女本貞媛猗頓彼何人五
特利徒擅人往財亦亡乃取以名縣想當命名時
意若有餘羨因循千載餘世事幾泡電阿房已無
宮甘泉亦無殿惟餘此縣名至今猶不變落日下
牛羊禾黍滿芳甸驅馬復何言傷彼貨殖傳

馬道驛蕭相國追韓侯處

韓侯西入關志與常人異擇主不能庸浩然起歸
思蕭相名知人惟恐失大帥不暇攸漢王追及此
巖遂歸來報王知此材實拔萃王欲王天下壯士
安可棄遂登大將壇遂樹漢家幟遂下燕趙城遂
定三齊地勲侔周召高計謝蒯通祕國士才無雙
丞相功寡二如何大定餘翻謂謀餽覲大臣一無
言鍾室冤誰議惟聞給入時禍因丞相致初終竟
不符果然刀筆吏吁嗟賣友人此亦一酈寄

七盤關

行行上七盤乍入西川界磴道縈秋空亂石立古

怪拗折風欲號倒曳雲亦憊人爭猿狖先天落飛
鳥外足底洪濤聲轟然走澎湃如彼雄冠生盛氣
不可殺進退兩眉麻咫尺判成敗石碣鐫其旁
承刻小心移步四字默念垂堂戒豈無叱馭心失身非所快
寄語左擔人努力慎勿懈

嘲輿夫

峻嶺費延緣危磴愁礧礧轟轟五雲端目憚此尖
峭下有徑要之坡陀誰所窺明知介然成其始若
可鈔輿夫畏攀躋得此進殊躁止之勢不能難易
彼誠較登頓犖礪中亦復魂屢掉行行三數里忽

然阻重淖揭厲兩無功步窘氣先懊前後頓差池
彼此騰怨謂我時默無言付之以一笑欲速翻得
遲此苦由自召計窮無復之舊路重須繞卻看循
塗人蹶躓已先到捷足彼何爲詩爲來者告

曉從孔道新過劍關

兩溪夾一崖一崖負數嶺嶺欹崖復懸差差頻易
境我行發牛頭露重天始斡稍來孔道新益覺所
厯窘山谿俯犂确百尺藤蔓引獸蹄交松陰鬼面
綴楓癭白日匿叢薄乍忽露光景不雨晝亦陰無
風暑猶冷行人緣秋毫倏若入管井前者已及肩

後者甫逮脛少焉後者升腳踏前者頂路跂尺寸
閒欲速不得騁忽然天門開哈呀肖天挺十萬劍
橫磨寒芒閃秋影鑄錯鬼國鐵鏤姦周鼎鼎高低
旣殊形皺瘦不一品或爲犬牙齧或作魚頭鰓或
如連鰲翔或類伏龜隱或狼跋而踰或豕立而獷
或張若虎鬚或仰若鳬頸柱撐掌擎華壁削斤揮
郢乾坤浩無外到此直杯皿想當開闢初內外限
畦畛森嚴堂戶閒環衛列刀楯當關用一夫氣足
千軍屏綠何蠶叢來覆轍相尋盡徒憐入草人悉
與傭才等懷古動咨嗟行行還引領經過伯約祠

月出四山靜

秦宓故宅

子敦善談天鄒衍殆不如哆口論蜀事亦復輟炙
車初年詭巢許晚乃游衿裾觀其抵掌閒頗類蘇
張徒如何答友人力斥長短書毋乃諱所自縱橫
貌爲愚德陽有故宅蔓草門庭蕪江山文藻外想
見風流殊往欲祀揚馬令與嚴李俱嚴李不可卽
當爲揚馬餘

舟泊瀘州夢游峨眉山醒紀以詩

前日發漢嘉昨日發清溪舟行五六日曲折隨峨

崑虛無縹緲閒面目時一窺惜爲雲所闕不得窮
端倪昨來泊江陽益與此山違蓬萊不可卽臥想
神爲移忽然呀天門豁達洞九達層巒挺秀色疊
嶂含清暉三峰若連鰲角立爭雄奇眼明狀益詭
意愜情欲飛遂覺身所歷如物羽翼之足底何所
躡雲氣騰疑疑耳中何所聞天風吹淒淒山光漸
煥發物象殊迷離或爲霧露縠或爲雲霞衣或爲
行空馬或爲飲欄蜺或舞浮邱鶴或唱劉安雞或
馴南極鹿或駕北海螭或琪苗樹麗或瓊吐枝
香或五粒柏豔或千葉芝飛流或濺沫古木或流

脂嶺欹猿或嘯洞闢猩或啼或樓或殿閣或纛或
旌旗壁立太古雪崖懸千仞梯日旣不暇給意亦
爲之迷隨聞佛現烏發聲唱布施雲海空濛中龍
象走且馳天花一蓓蕾五色紛離披須臾火焰起
照耀須與眉驚起猛回頭方知夢所爲桃花猶在
望武陵倏無蹊其時有老叟峰頂行杖藜意者謫
仙人引手相提攜惜我逍遙游未聞天姥詩

涪州點易洞

大易聖人書剛柔體先覺蒙言養正功垂戒再三
濱坎言習教事納牖毋太速匪徒妙圖方亦以防

疏辱伊川在經筵銳意資政沃舉步必儀型懲誡
及草木遂令人主疑蛾眉起謠詠匹夫傲君王罪
大宜放逐編管落蠻荒蒲編此重續方知顰眉牛
不在童而惜汜濟尾仍濡豐蔀功誰錄消息天地
心假年有真學當年如燭幾何至分洛蜀然而古
君子避世立原獨布衣道務尊安能隨碌碌江干
秋水生壁影搖石屋想見鉤深堂昔日孤燈讀

巴陽峽

暮氣頽秋陰驚猿響林樾修崖鬱連蜷積雨長苔
髮江水一何深崩峽助搪揆向夜歸舟人夢繞巴

山月

明良殿謁漢昭烈帝像

漢帝下彝陵氣已無東吳天意不祚漢一敗奔夔
巫英雄志不撓未肯墮良圖歸來築白帝坐鎮雄
關隅進取宜可戰退守斯無虞吳兒聞之懼請和
如降奴惜哉業垂成永安侯云殂君臣付託際所
語同典謨功名雖未竟慷慨起孱夫廟食千載下
感喟無賢愚笑彼孫與曹狐鼠徒區區

蝦蟇碣

月府有怪物其名爲蝦蟇偃息七寶宮爬沙隨如

娥居高質故廕匿迹理則那一夕忽發舒黃綠登
大羅竊飲上池水仙液開尊犧帝臺萬斛漿一吸
同盤渦上帝聞之怒立命呼黃魔乾沒有大罰矧
茲顛么麼毋令辱玉虛速擲荒山阿檻以百石柱
承以雙盤陀赭以亂苔蘚柳以千嵯峨蝦蟇不得
脫吐沫如懸河至今噴薄餘猶是瓊臺波

葉縣懷古

葉公楚之良愛龍畫龍身縱橫屋壁上之而作其
鱗好怪必見怪物理原相因一朝怪物至蜿蜒臨
其庭葉公駭而走數日魂猶驚至今談龍客每以

資笑類不知此非龍龍亦未必真真龍負變化風
雨俄飛騰豈以虛聲至貿然呈其形公既喪魄誤
士亦多口憎太息古今來識真竟無人

定州西望恒山不見作歌

五岳視三公端冕而朝天四岳皆笏立獨恒如臥
眠包絡太行內體勢何綿延西望不得見奇蹤無
由傳或云古曲陽道里殊相懸迢迢渾源州寄祀
此致虔往聞儒者言

帝都今宅燕北祀而南行於理未爲便欲以醫巫閭與
此議改遷斯言雖有見其然豈其然神無所不在

因地而寄焉如其有定在神豈以人旋周家都岐
豐太華處東偏未聞以西故移之吳與岍太皞都
曲阜岱宗居北邊未聞東海濱別有山不騫折衷
貴稽古耳食徒譏譏作歌聲山靈雲光一笑媽

送少司寇秦小峴先生瀛歸梁溪草堂卽用留別

原韻

憶昨復

朝命聞公將上書

去冬自蜀歸復時

命與先生同

臘果上乞身之章

書中何所云乞身歸舊廬行道既有得

軒冕乃其餘譬諸饜美饌人更思園蔬白舌占否

信君子凜於於拂衣視流俗一官徒守株我觀古
豪傑不爲桃李敷風雲入懷抱造化通呼噓大任
天所降而豈徒區區所以一室間妙理觀盈虛進
有可以行退有可以居進則爲皋傅退則爲二疏
出處兩無礙何所牽華裾我公今古人自號耕田
夫

先生自題歸耕圖
有識字一耕夫句 遭逢

聖明世卅載佩金魚

主眷方嚮用豈有素餐虞忽然引疾歸歸非耽逸娛城
西有草堂樸野同繩樞家故四壁立未足驕相如
徒言慕高蹈相視毋乃麤平生浩然氣聖賢與爲

徒清節重四海塵累全已祛學道數十年始終與
之俱嫗嫗戀華屋昌黎非醇儒原唱用昌黎示兒韻乃知如
我公庶幾能遂初

長沙試館牆隅有桃一株湘潭陳滄洲先生罷蘇
州守入直

武英殿修書時所植也暇日與李柏喬在青尹墨卿

作翰蔡鐵君姓裴芥舟掄張雲池履信蔡玉階

世瓚胡甘園湖坐其下因約購石爲欄護之且

植碑焉分賦得手字

先生鐵石人浩氣動星斗平生蒼勁姿羞與榛栳

偶早歲宴杏林未結槐廳綬種花向河陽噴噴人
稱母孟姬豈不貞蛾眉衆所醜箝網彼何心謠詠
遂滋口幸賴

聖主知良材不終掙

先生守江寧爲總督誣劾落職起知蘇州攝藩篆復忤總督中以危法兩

次皆蒙

釋

命修書 聖祖特恩宥 武英殿 銜

命入直廬

殿角螭坳右

武英殿 祕笈叩 嫺媛瑤函編 响樓想 在三殿西

當入直時袞袞諸公後及其下直歸羈栖惟一畝
書帶鬱階前古色發深黝豈無山林思

恩深誼難負偉茲牆際槐植自先生手枝葉已扶疏柯幹

漸交紕皮膚森然時復類螭蚪婆娑百年來歲
月亦已久翦伐獨無虞無乃神靈守伊予仰止心
每過顏徒慙好事得諸君封殖良不苟伐石護以
欄鐫碑落之酒美蔭比甘棠孤根當不朽遺愛理
則然匪爲先生厚涼風颯然來老綠搖窗牖浩歌
依欄杆天外秋聲吼

贈萬小岑

鼎洋

始我識君時實在資陽署作宰君家公口碑載道
路云昔權武陵神明擅令譽及茲良復然聞之心
敬慕試往觀其人一見識如故館我池上軒連朝

話情素快若荷上風朗若花間露勁若霜後條矯
若雲邊翥力精外不疲慧深中以恕君時侍其旁
英光韞珎璐長事予豈堪金蘭譜親注年來走南
北會面不賒屢相思各有情暮雲靄春樹前歲抱
玉歸衆人愕相覷臨行走送君意傷詞不怒多君
養已深卜君終必遇君有金錯刀不肯輕鎔鑄果
契哲匠心迷躡青雲步一第亦尋常在君等家具
所喜慰乃翁此樂獨無數平生男子懷屑屑鄙章
句誰能信所言出處非無據君家理縣譜悉是經
世務當君省侍時目擊良已豫長風振秋梢攬轡

從此去

時以卽用知縣分發直隸

執手復何言發軔看騏驎

李薌甫兵部招集借綠山房賞菊

長安人海中俗氛日糾繞花蝨搏香肌如贅不可

療浼彼富貴叢豈解山林貌李郎不羈人與俗殊

嗜好花市古斜街居與秋畦靠園丁荷擔來日利

金錢稿萬本積階庭位置悉精到灌溉弗辭勞牽

率及同調朝來剝啄聲酒熟喜相召盎然香氣深

入門先一笑是時近重陽風雨若來告繽紛盆資

間陡覺秋意鬧或苞如含仁或蕾如拆礫或蕤如

綴髻或毵如脫袍古紅蜀國綾嫩白魯庭縞火色

團秋煙金光吐寒耀半折席傳籌高插簷壓帽洵
此詠言清居然詩酒料何必南陽游已寄東籬傲
我聞傳延年仙家盛名號大藥百千種金精此稱
要祝君黃髮期勗君雪霜操頽齡猶可支况君正
年少

金淑人割股詩

溫州守楊
警齋之妻

割股以行孝不見往聖經後儒好持論此義日以
精匹夫曰愚孝賢者曰過情髮膚不毀傷謂恐民
戕生我意獨不然殺身言成仁報親如報國縱死
非無因惜身以爲忠忠者多如塵剗肉不辭愚愚

者能幾人卓哉高世誼乃出於釵巾滅筭益翁壽
夜禱聞泣聲忽然引利刃割肉和杯羹一割膚寸
闊再割兩掌盈旁人不及覺已有神鬼驚此事詎
堪屢而爲舊貫仍古人不_易得今人蓋難能

三十四初度修撰彭寶臣

浚

編修何仙槎

浚漢

珩

蓉峰

銑敏

賀耦耕

長齡

孝廉謝心蘭

興曉

同集

印心石屋賦得盆松用二冬全韻

我家茱萸江竹垞花爲塼門前樹千章有松特翮
茸煙枝綴翡翠霜皮鏤圭瓏年歲閱太古顏色猶
清丰每當九夏月衆卉羅橫縱落花吹錦繡芳草

鋪氈毼乳桐旣昌灼絲柳亦惺忪涼風颯然來此
松尤溶溶半空激暗浪一氣流璫瑤階暑失白晝
日午零露震紫燕飛款款黃鶯語嚶嚶提壺勸山
鳥布穀催林鶡美蔭良可憩過客停行輟雖非仲
蔚居相羊有劉蕡年來走南北敝服緇穢裕時騎
果下馬閒命轅下驂秋船泛文鵠春船蕩艣柳裝
有萬里襍糧無三日春雨足挂一腹覓食如游蜂
崎嶇豈不避往來成憧憧坐受塵土欺面目迷狂
颺無由效君子輟行爲何何道逢陌上叟策杖扶
瘦筇髯疏且前鬢眼青能上睨見我牛馬走憫我

生憤懣語我安心法示我住世蹤溪毛自可茹何
必餐玉饗草衣自可襲何必被華襪秋蘭自可佩
何必腰璜琮風泉自可聽何必酣笙鏞子家有元
亮亦嘗宰雷封欲以絃歌資持爲三徑供一朝督
郵至折腰慚精粢徒營二頃秫不及飲一鍾歸來
獨松色與菊同蔥蘢遂息倦羽機西疇侶耕農又
聞華陽子挂冠甘疏慵空山自怡悅坐看雲遡遡
吹笙夜不臥高樓住三重旁人不得見仙裾渺難
從惟聞松濤聲天風響淙淙斯皆山中人与俗殊
躑躑千霄鬱真氣一洗饕餮凶雲夢吞八九曾不

芥其胷今子豈不都嗣音溯華宗俯仰足意趣出
處區歡恂曷不從吾遊置身山之峰由根以逮葉
自幹而及榦永辭積薪辱不爲故葉壅焉能材不
材自處樗與櫟我聞此叟言豁若警晨鐘惕息語
不發徘徊增怖公顧我豈得已初心匪珥形得毋
支離子爲我發慮惜此叟忽已失但見小虬松古
心復古貌對我猶莞容攜歸置上座挈盆呼園傭
得此歲寒友肯使儕菲葑凌晨起灌溉忽聞車輅
輅到門蹶然止叩扉聲輕拊吾廬素岑寂何以足
音蹙起迎視而笑好友多歡悰謂我值初度相率

展敬恭談話竟日哺詠嘲吐神鋒泰慶割獨解楚
昧祛羣詎盤餐頃復就蔬素無肥膿新莖雜菰韭
細鱗烹鮑鱗興酣噪拇陣勁敵揜溫禺勸酬三爵
又觴政不妨兒彭生釣鼈手四照騰文烽何郎金
玉質擲地聞隆碣聶子髭兩腮力大吞野犂賀生
炯雙眸劍氣星斗衝謝客復秀發天然茁芙蓉諸
君咸好我終始似驅蛩有如歌好合前唱後者喁
又如舞交衢玩渝奮之寶刮摩金用礪投契柄受
盃觀山宮納霍導水河入灘纏綿吐至性心蘭抽
原蠅聲響應同氣同月和秋葢酒兵旣隘匪詩陣

出渠輜悍若握鐵槩趨若舞玉戢捷若飛羽箭銳
若揮長轂柔若按轡轡健若彎籠箴險若斷後伏
猛若登前衝縱橫大敵內戈甲紛錚鏖詩成悉秦
晉獨我如邶鄘大國旗不靡亦足張附庸獨惜石
與常利器雙懷璋回車斂大纛不一試擊剗石欄修承
藻常孝廉道治道沁昆仲皆枉步見過以事去未預會
夜久筵未撤微雨階
前零檐花散六出薄霰增凍松顧視座上客松叟
尤蓬鬆盤盤一盃內郭索拖蜈蚣之而具鱗甲約
略疑老龍雖非招搖穀已異都盧槿澄翠黷欲發
墨波翦吳淞冬心洵有託鄉思爲之濃方今盛

文治清廟歌肅雝義衛廣東序仁路開西廡並登有稷
契雜處無驢共同瞻周道直同飮

堯樽醲諸君負岸略命材皆梁樅如予自散櫟抱質凡
疏踳十年廁芸館被服慚章縫空糜一囊粟詞賦
輸還叩尙記初生時太歲在著雍倏忽卅四載歲
月去洶洶常恐不殖落無以酬甄鎔諸君幸見愛
嗜痴如劉邑詎無鍼與石爲我夜浮癰男兒志桑
弧羞爲桃李穠松心貫四時歲晚人始逢相期葆
初節勝友稽山儂是歲辰在未玉衡指仲冬階蓂
換節序新葉將抽茁來朝憶良會臘鼓催萼萼

題古木寒鴉圖

微雨滌新青木落山容瘦
樵徑淡無人石淙暗如
漱夕照開晚林歸雲數遙岫
時見三匝鳥飛向寒
枝宿

喜馬湘門至自粵東

作砥石利攻在割金必鍊
君子重同心結交有鍼
砭憶君與我違八載同年
面屋梁落月時屢次夢
中見萍蹤各靡常奚由致
纒纒豈無雲際書高峰
阻鴻鴈今秋聞君至
跼然適所願捉襟力未衰
岸
憤氣猶健大似十年前同謁

明光殿丈夫貴有成榮達非所羨君從南方來幾歲

困州縣鵠面與鶉衣一一親目見頗聞粵閩間樓

船苦征戰比者蔡逆誅無風海波晏

洋匪蔡率最稱兇狡已已

秋提督邱良功王得祿等擊賊之

招攜數鉅公封豕就芻豢

百公菊翁

松公湘浦蔣公礪堂相繼督粵海寇張保仔朱濞皆降今秋吳屬亦降

饕餮萬有餘

安插伺利便入苙忌用招出柙防脫陷受降如受

敵此事豈易辦牧守擇惟良庶與弭後患聞君宰

令浦頑民賣刀劍量移刺欽州號令速郵傳固知

春陽暉驚俗勝雷電尙期冰雪心無以繁錯變明

當見

天子努力嘉謨獻夜久一樽同小雨燈花綻

次韻答李柏喬

我詩如尺布裁翦不及幅君詩富波濤洋洋河九
曲蛟螭縱長風跛鼈安能逐昨來辱投贈新篇抵
瓊玉再鼓氣不衰卓立中軍纛顧我齒加長虛負
蓬矢六常時偶呻吟跼踖頭打屋因君動清興聊
復貂尾續所慚染鼎嘗得味苦不足拜賜儻重來
看君扛百斛

題楊同年

維謙

琴鶴圖卽送之官保定

我友楊夫子敦樸無俗好釋褐十載餘一官茲始

效臨行出此圖三復意精奧豈惟表清白實乃資
政教琴理惟在和鼓亦超妙鶴性本自閒能馴
不飛噪畫理卽治理知君有深造保定京畿南咫尺
觀最報箝網豈爲能所聞多可悼期君後會多
勿移此面貌

馬逸

有序

甲戌元旦入

朝至正陽門馬逸從者皆墜獨余坐車中奔騰數里
至東長安街遇大理寺卿葉琴柯先生過之乃
止因繫馬於其車後成禮而退拈此白警

馭馬如馭人善在用其短斷斷以相持一發安能
款始我造

朝時爆竹九街滿馬驚急欲前僕怒抑使緩僕怒馬
益驚緩急勢莫踐噓然羈紉絕僕墮馬已遠輪掀
紫霧昏蹄躡紅塵軟矯如掣長蛇迅欲殺臥犬幸
遇大理車甌臾止九轉附驥趨以朝猶及觀

盛典歸途見僕夫驚喜面若靦蹉跌豈無因安全倖邀
免因思古今來類此良不鮮防口甚防川爲政愁
絲蘭法令如牛毛商韓徒自割官禮本唯麟姬莽
不同鍵馳驅貴有範變理毋滋舛不見古大臣道

逢問牛喘

奉送徐珊仲師出守登州

夙昔杖屨門頃刻輒分轍風餐柳未春黯然成遠
別憶自忝科名時已一紀閱藥籠盡丹砂如子慚
馬勃允賴埏埴功變化金點鐵名雖弟子行誼視
家人切公官若馮唐爲郎頭欲白晚荷

聖人知封章照朝列特擢由

宸衷惟良二千石憫茲東國民飢渴苦顛蹶干戈甫輯
綏蓬蒿少遺子如彼陷溺深何由出之穴如彼悵
惘久何由樹之蔭康濟得龔黃弼亮等稷契但惜

及門人依倚失圭臬郭門此日行杯酒同傾咽猶
吟曾點風儼立程門雪觀海會有期盪曾在溟渤
送方桐潛轉運

應綸

之官廣東

仲父九合才創意官山海渠展故鹽區熬素成礪
硨禺筴筭丁男半益此津逮言雖聖門羞緩急差
足待所以均輸貲歷代弗能改然而利所叢卽爲
害所在商旣居爲奇官亦利其賄食淡豈人情扞
網夫何悔良民化鴉梟鋌險所以乃遂令稅入懸
俸飽翻成餒吁彼桑孔儔得一失踰倍我

皇富藏民制用歸冢宰令行不涸源憲說斥凡猥顧茲

粵海濱貨財之所匯鞭筭豈長謀

聖心燭羣海澄敘首綱官拔擢必元凱十日兩晉階異

數驚僚案

山郎中史甫十日

擢御

春風拂面來柳色搖

新綵祖帳幾同人桑梓動光彩諒懷平準心他時

調鼎鼐

題朱虹舫前輩瑣闥分校圖

皇帝十九年鰓俊開春榜銜

命大宗師正副人各兩分校十八公共事四文長

謂內監試

齡筠莊程定甫兩給諫及內收掌武漁厓路鷺洲兩公漁厓會官御史鷺洲山庶常改部皆臺館舊

人

左右會經堂

聚奎堂後為會經堂

提筆珊瑚網星聚燭魁

杓堂虛登壇爽一月搏沙居卓犖風流獎好事朱
先生曠覽出佳想謂此良會難轉瞬成已往三山
幸泊舟無爲負眞賞爰借二子能

謂孫少蘭貌此
姚伯昂

十弓廣窗扉啟玲瓏庭院謝氛埃生姿草露妍著
色花雲晃紅燭寫光明朱衣傳俶儻連類及輿胥
逐隊到都養圖成縱目觀顙若列眉朗內外簾旣
分出入門誰敝念此一牆隔有景獨難仿檐低屋
打頭風搖燈燂掌飢渴忍呻吟欠伸艱俯仰妄意
重簾人何啻層霄上此景卽當前此日猶矚曩作
詩繪此情請以箴吾黨

蘭竹石圖卷爲林敏齋編修

培厚作

叢蘭如幽人藁竹比君子山石介其間兀然異行
止行止雖若異此心同爾爾真品有真交何患無
知己寄語素心人相賞定如是

消寒第六會吳蘭雪舍人陳石士編修朱蘭友侍
講謝向亭編修胡墨莊侍御錢衍石農部同集
印心石屋試安化茶成詩四首

今歲足衍樂春來事云適長安諸故人頗能盛筵
席席設每見招終日但爲客今朝客忽來例我具
穀核冷盤三五陳下箸無所獲匪徒少羊羔亦乃

乏雞跖斗酒興未闌四座歡彌劇旋聞蟹眼鳴中
有雲腴碧我家茱萸江資水迸流山峽變名鄉物
爲茱萸江見水經注
舊所積雖無甘露兄猶足清兩腋資茗况家風庭
前餘雪白

芙蓉插霞標香鑪渺雲闕自我來京華久與此山
別尙憶茶始犂時維六七月山民厯懸崖揮汗走
蹙躡培根閱冬初摘葉及春發凍雷一夜鳴蓓蕾
穎欲脫是名兩前香采之日一撮未幾漸蒙茸卓
立鍼抽鐵是名穀雨尖香氣彌勃勃毛尖如鶴毳
挨尖類雀舌黃茶號晚出味厚亦非劣方其摘取

時籃筐徧山岳晨穿苦霧深晚焙新火烈茶成與
商人粗者留自啜誰知盤中芽多有肩上市我本
山中人言之遂淒切

寧喫安化草不喫新化好

安化茶下者猶勝他
邑好者二語見府志宋

時有此語至今猶能道斯由地氣殊匪藉人工巧
邇來地利盡所產日以少變化及荃芽夾雜或茶
蓼遂令東家施貌作西鄰姣時俗但驚名詎易初
終保臭味慎差池我謂茶猶小

茶品喜輕新安茶獨嚴冷古光鬱深黑入口殊生
梗有如汲黯癯大似寬饒猛俗子謝茶經略置不

加省豈知勁直姿其功罕與等氣能鹽滿澄力足
回邪屏所以西北部嗜之逾珍鼎性命繫此物有
欲不敢逞我聞虞夏時三邦列荆境包匭旅菁茅
厥貢名卽茗著號材所長自昔功已迴歷久用彌
彰闕然思尙褻因知君子交味淡情斯永

董琴南編修以事未與品茶之會翼日詩先成且
索茶爲贈輒致頭綱一餅次原韻奉酬

我茶君未嘗和詩獨先作妙語出清新評隲精且
確急電飛騰辭成珠錯落固知胸懷間自具有
邱壑著紙卽煙雲一字不須酌拜貺豈尋常翻覺

瓊瑤薄憶昨煮茗時剛趁春雪渥人從一口分趣
比字題酪差堪潤喉吻未足勞輔齟坐中六七豪
意氣殊脫略頗怪君未來或者借辭託我意當不
然知君耽直諤朝來得君詩洗我胸中惡餘甘姓
氏稀頓令侯封廓茶芽如有神開籠芳香擢一餅
暫相酬聊佐胡盧杓詩筒來往飛知君煩吐握

題蔡鐵君

姓

負米圖

登頓囊在肩蹣跚石侵趾負米百里歸氣息喘未
止稍憩嘉禾陰粲然一開齒誰云仲由貧遠勝毛
義喜多少覓祿人升斗爲親仕待得五鼎嘗徒然

一杯水亦有絕裾流奔走不知恥經營粟一囊依
然飢欲死所以孝子心不以彼易此春氣在蘭陔
風日湛清美林間有鳥鳥隔樹鳴不已返哺竟何
時恩勤意空擬太息色養難而我亦人子

潞河秋別圖送關午亭

炳

歸省

人言潞河別我言潞河歸別者爲朋好歸者爲慈
幃長安塵土中錯雜羅朱緋豈無太廟繡不如老
萊衣嗟彼皇甫子試職任衆譏臬鸞異毛羽牛馬
誰是非繫子獨至性懇懇情無違八載身

魏闕心常戀春暉靈萱開七葉堂北懷芳菲乞假理

征棹言尋釣魚磯爲佳此小住臨發猶依依涼秋
水天淨遙望輕鳧飛想見到門時陔南香草肥

陶文毅公全集卷五十四目錄

詩集

五言古詩

同茅潤之孝廉游京口南山次壁刻楊石淙韻

漕河禱冰圖八十韻

馴鹿莊圖爲黃退翁作

王漢衢明府自題撫琴圖云人心盡如此天下自
和平蓋唐人撫琴句也爲賦一詩

丙子順天鄉試奉

命監試內簾有作用東坡韻

送夏森圃

修恕分巡惠潮嘉道

朱蘭友齋中同梁茵鄰陳石士胡墨莊黃霽青李

蘭卿觀秦二世泰山殘碑拓本

戊寅三月十二日長女瑞姿出嫁湘潭周氏詩以

送之

題漢中府知府鄧夢琴入祀名宦祠錄

和高麗許澹岩

櫟韻

題唐鏡海萬卷書屋圖

琴魚

賀耦耕夢余訪之輿衛導從有金牌書錢神敏跡

四大字周覽其齋似欲共居者來書述其事且

紀以詩賦此答之時癸未秋杪

新莊舟中遇雨

舟中望棲霞山

潘功甫以宣南詩社圖屬題撫今追昔有作

題顧俠君先生小秀墅圖應杏樓工部卽送其之

京兼簡吳巢松

夜臥一首示鄧子葉子時在揚勘水

吳梅梁侍御請以唐陸宣公從祀

廟庭有

旨下部議行侍御寄示疏橐賦詩紀事

題松堂老人讀書圖應湘皋

題石琢堂師獨學書室圖

重修滄浪亭成梁茝鄰方伯作圖因識以詩

滄浪五老圖詠

有序

虞山拜言子墓

戊子二月初九日赴吳淞勘工過嘉定之安亭鎮
時新建震川書院於菩提寺左甫落成遂宿院
中訂釋奠禮紀之以詩

題滄浪亭新建梁高士祠

李芸甫水部於桂林北郭作園以書索題

次程梓庭中丞訓族詩韻

題雪湖高士楊執遺像

次韻和張芥航河帥并自黃河口出海夜泊開山

口作

庚寅九月二十日自武家墩晨發勘視堰圩隄工
周歷洪澤湖往返三日慨然有作

題劉厚庵樞使錦峰校士圖次林少穆中丞韻

石城餞別圖送趙菊言少司寇還

朝

三十六湖樓

假歸過司徒嶺作時丙申展重陽日

調琴飼鶴圖應唐暹副

錢

任階平太史

秦

手書十三經注疏凡十有一年而

成帙許玉年爲作寒夜寫經圖因題其後

詩集

五言古詩

同茅潤之孝廉遊京口南山次壁刻楊石淙韻

潤州古天塹有水亦有山山水之所聚如花鏡中

攢昨來登金焦蒼茫感百端頗疑天上境飛飛墮

人間竭來游塵中獲此數日閒蓬瀛在咫尺自顧

緣非怪出城卽淨域一見開心顏林深得遐想地

僻生新懽我性本邱壑初非耽寂禪堂空佛若剎

院靜花無言僧龕半塵滅古井皆苔剝杜鵑花未

發但見蒼松蟠行行度阡陌兩山夾嚴關成林萬

竿竹好音風爲傳卻望獅子窟突兀吾能攀捫蘿

慙招隱言尋山下泉聽之若無響泠泠忘險艱荒
場雜鹿虎曲磴盤蚰蜒少焉見九華壺天誰所安
山僧能款客欣然具盤飧當門立松檜繞砌羅茅
菅巨石如黃羊怒目疑神鞭頗聞風雨夕屋頂飛
潺湲噴薄太古雪灌此花間田徘徊意正愜倏忽
日將闌山風吹重裘輕如葛衣單亂峰吐薄霧滿
座生暮寒此日足可惜此程亦良寬卻顧寺外嶺
落霞猶餘殷茲山古黃鵠志本非塵寰良辰得靜
憩何必懷輞川酒力既空漏詩筆同噴阮無荒戒
宴樂自崖且須還何當謝塵鞅北轍而南轍登高

俯北固一暢雲中觀

漕河禱冰圖八十韻

國家集大命奔走趨百靈頻年河與淮順軌無襄陵
風雨旣時若舟航靡留停楚腰載長稻越玉來香
杭

神倉不涸源但聞歌阜盈

皇心計深遠匪康爾惕兢謂此根本計正德先厚生東
南歲賦額四百萬有贏頃者偶偏災截漕仍緩征
極目閭閻急詎不憂

朝廷公私期不匱利漕先卹丁卹丁在省費省費惟

速能裕民斯裕

國欽哉汝往勝

臣

澍拜受

命夙駕趨晨星驚沙撲烏帽涼颼颼虹旌爰從大河渡
言趣邗上行韓臺逮邵埭一一初所經維時仲冬
望雨雪征途冥北風夜怒號哮吼如彪騰馮夷縮
不出天吳匿無形珠湖十萬頃頓化玻璃城檣桅
半傾倒絕索徒縱橫官吏束手坐無計催揚舲使
者顧而歎時會余適膺脫險苟不速遷延且相乘
但念非人爲白簡將誰懲我無權擊凍我無確搥
凌所恃報

君國區區惟寸誠維淮有神祠山木女郎憑神姿如古
雪神志如古冰冰古雪所積雪古冰以凝冰凝志
自厲冰解心愈瑩凡茲開闔力豈不惟神明願以
一瓣香祈爲十日晴庶幾藉吹噓可以銷峻嶒神
光倏若覩離合迴雲輶盤空萬鴉陣翔噪歡相迎
湖心忽破碎豁然呈遙青萬艘競連檣銜尾如飛
翥不日遂出江曾無一船零長年奮且舞篙人喜
方增咸云天公助大似垂哀矜三冬如挾纈暖氣
迴春榮豈知一夕間六花翦瑤瓊千里仍一色皓
然渺無聲龍宮幻結構遂若嚴關扇波無三豕涉

津有羣狐聽迺知神有意響應逾雷霆一開復一
闔若按期與程傳之江南北異事人咸驚歎乃歌
不作邪許來相賡新漕併舊漕迤邐達

帝京其年大府吏入

告封章騰

天子曰有命此事奇且禎有功德則祀稽之禮亦應其
令議封號其令擬祠名曰靈昭有赫曰惠普於氓
曰靈復曰惠其應尤在貞惟貞氣不撓惟貞私不
萌天地大造化古今大豪英凡其所運用靡不以
貞成緬維神之初事蹟滋說鈴暮途偕阿嫂弱質

原娉婷不就有幃子一死甘殢殘姑暎任白鳥瘦
骨何稜稜嚴風委野草大節長支撐歐米兩大老
其言尤可徵煌煌數千載蹟共長淮清分風而擘
流誰不瞻儀型顧此號與祠迄今始有稱棖桷斲
松柏香煙吐荷蕡銀榜煥

鴻題照耀湖天澄日功茲用報曰德茲惟馨洵知事非
偶積久乃彌亨

小臣

抑何幸奏牘名同登不有歌

與詠何以昭烜宏爲圖聊紀事用詔千億齡筆談
付史氏簪盍俟儕朋是日會消寒暮雪霏檐楹尙
憶蓬窗間打鼓催鑿鑿

馴鹿莊圖爲黃退翁作

廬墓致白鹿昔聞陳孝意又聞褚無量亦有馴鹿
異是皆純孝徵流傳芬傳記先生古之人事乃暗
相類結廬城門東其圩曰辰字卜兆安先靈窀穸
手所治丙舍影堂開羅列工位置松篁杳靄間優
然如有何生壙擴前塋義比陔南侍華屋感邱山
生存此焉寄茲爲曠士懷允矣承先志太息時俗
流游宦薄鄉誼桑梓等傳舍宰木甘顛顛歐公賦
思潁徒隕瀧岡淚老泉指庚壬二子未歸殍人生
天地間蕉隍吁可噉青山與白雲初心幾人遂先

生與天游擺落無塵累勝題煥兩楹

翁嘗書楹帖云死若有知

親可侍生而

發語見胸次何須誓墓文雜言堪遺

在命我何憂

睡所著道睡雜言有記先塋事甚詳

王漢衢明府自題撫琴圖云人心盡如此天下自

和平蓋唐人撫琴句也爲賦一詩

治國如張琴此中有精理安絃操縵閒不偏而不倚中聲本在心其妙應以指先生操元音志山復志水一彈再彈時半松半篁裏能令勞者息能令疲者起人言先生琴古調非今比先生曰不然人心盡如此但令心和平道也通乎技雲山高幾幾

煙樹清瀾瀾何當鼓天風一洗箏琶耳

丙子順天鄉試奉

命監試內簾有作用東坡韻

我昨乘吳船轉漕輸天廩歸來塵未乾復此

皇言稟科場我舊游轉瞬餘十稔竊祿忝太倉臆腸笑

河飲惟有文字緣胸猶儲墨潘甘苦頗亦諸味別

溜澠品蠹魚老陳編忽忽年華荏回思玉尺持兩

度預衡審紅紗罩眼多騰謂冬烘甚竊聞往哲言

製文如製錦磨琢思玉瑩罅漏防沙礫驂駟一嘶

風萬馬瘖不蹙言孔孟言難

聖訓敢不凜區區蹄泔材殘沫愁魚淦泔林音可懷笑彼

鳩醉樵誰欺挽狂瀾吾師當斂衽

謂相國董公少司空陸公

伯亦秩秩俎豆溯高睽

謂少宗伯黃公

于于歌鹿鳴各以

詩來諗我如觀劇人苟睨饒美飪未許側歐梅猶

欣接任沈古義具可陳正聲終不寢孰云災棗梨

程藝故當餒軋苗去筭言會使時流禁孤吟比嚙

其秋江浪翻枕

送夏森圖

修忽

分巡惠潮嘉道

日聚不覺多臨歧重惻惻天寒雨雪深遠與良友

別憶我登科時與君誼尤切同門三數人傳飛如

鳥翮作賦聲能高傳觥旗不北人乘連璧車座絕
趨塵客年來入臺垣筆握一枝鐵封章達

聖明臣職司喉舌瓜蔓戒牽連桁楊重羈縻利溥仁人
言雖戇不爲訐褒答契

宸心風行在頃刻聽馬五城東霜烏九街側鵠面與鵠
衣一一資擘畫遂使翳桑中如聞泣衡結卽今趨
嶺南旄麾動卿月祿仕豈爲身時清期報

國古人語功名首在敦廉潔惟直道乃行惟和師乃
克海邦雖囂凌忠信應可格行矣勉爲之當生吾

黠色

朱蘭友齋中同梁茝鄰陳石士胡墨莊黃霽青李

蘭卿觀秦二世泰山殘碑拓本

秦始建天下計世不以諡東巡刻石六語皆稱皇帝胡亥實繼之誇張述志事詔謂金石辭先帝之所製皇帝不稱始無以別後嗣傳之久遠時盛德知誰自臣斯臣去疾昧死上其議請刻此詔書不辨而自異皇帝制曰可大書用垂示至今史記文明白辭原備奈何音釋訛頗嘗笑正義二世詔內不稱始皇之稱應讀平聲正義誤音此本從何來非尺證反遂致文義難通碑舊存二十九字嘉慶五年碧霞宮燬秦隸云自玉女池十字出殘燼

安蔭令得之池內今惟存所臣
嗜古南阮翁北湖
去疾珠死臣請矣臣十字耳

手摹植
阮芸臺制軍曾摹
刻於揚州之北湖
我昔上泰山碧霞會坐

憩石聲敵檻間所拓與此類
乙亥十月登碧霞獨
官見工人拓此石

怪二世游並海至吳會歸途道遼東不聞登泰岱

况此詔書詞乃刻碑之背石刻已無存碑陰胡獨

在好古宋
郊與歐
永叔
傳聞非目諦前江
鄭幾後

有吳
同春
所記亦茫昧
宋歐江三公皆止見二世
碑宋言始皇碑惟宋劉跋

云會親見始皇刻辭在碑之西北東三面二世詔
書在碑之正南面以史記證之文意皆具其缺處

字數適同云云而明吳同春游泰山記又謂與劉
跋所記稍不券合劉謂正而七行今止三行其三

面滌沈揭摹字形隱隱莫辨合
觀二說則此碑尚在茫昧間
曷來千餘年見者

但劉跋果如璫椎云四面皆文字

劉謂親以璫椎從事始得完善

四面總三十二行行十二字

大臣從者名何處更位置

二世本紀盡刻

始皇所立石石旁著大臣從者名跋既云四面刻字不應從臣名全無也

儒生談周秦

鑿空等兒戲嶧山碑已訛贗鼎恐滋偽不見陳倉

間石鼓疑猶漬斯也小篆工成能偶一藝作頌恥

繁庶其詞實謬穢饕餮鏤甘讒聊用禦魑魅作詩

匪聲之請以搗史例

戊寅三月十二日長女瑞姿出嫁湘潭周氏詩以

送之

我年二十三占夢初舉爾爾

祖時望孫得之顏

亦喜謂爾形似余似余尤在齒齠然冰玉姿骨清
神亦泚至今十餘年其語猶在耳念爾靜且惇幼
不妄言視女弟三四人相依爾爲姊閨閣誦女規
頗識筆與紙春風紅杏句恍惚詩人旨余嘗課諸女詩以春日園居命題瑞姿詩云園居無俗韻庭院滿蒼苔日暮春風起鳥啼紅杏開頗得詩意但不肯多作耳
偶咏旋置之爾意亦良是讀書識大義所重無
須此女職首三從無違奉夫子恭敬事舅姑和睦
宜妯娌秉心惟柔嘉恕使到奴婢奕奕侍郎家習
俗同鄉里膝下雖暫離夙興原一理但當記吾言
吉祥綏福履

題漢中府知府鄧夢琴入祀名宦祠錄

人主共天下惟良二千石牧令民最親循循期稱
職俗吏苦糾紂例行施更逆一宮初入手擇肥而
揣瘠案牘猶未親公私已狼籍一日飾起居一日
豐飲食一日餽上官一日飽吏役四者相循環費
用何從覓由是侵帑藏由是肆貪墨初猶效倉鼠
既乃逞蠹螫按求到孤鰥徵賄逮盜賊簿書既塵
封民氣亦鬱塞鉅險豈無人鹿音安能擇謗譏遂
繁興時亦遭彈劾至此始喟然進退成跼踖謂民
實刁頑謂時多刻覈噫嘻豈其然盍觀鄧君績鄧

君家浮梁早歲褐曾釋笏仕巴渝閒辨冤聲嘖嘖
繼官洵之陽山堡披榛棘旋莅岐山南又調散關
北每日坐堂皇判事神明赫人傳飯一包座凜法
三尺開渠利灌溉橫縱畝千百紛爭戢鼠牙游惰
警螫蟹仿古志重編剛幽石親勸樂育廣青衿威
孚沛甘澤村無小吠龙野有雙歧麥凡其所設施
初終惟一則所至郭爭迎所去寇思借大吏重廉
能

天子庸嘉德商嶺逮興元升階用明陟歸老宴鹿鳴須
眉猶古色書筍授孫曾經義資講席丹成鳧鳥飛

口碑渾未數起家桐鄉有立祠蜀宮側尸祝沒尤
虔誼存三代直因思我先人懷珍遇偏見昨歲
祀鄉賢與君同奉

敕褒揚荷

聖明事蹟昭典冊遂雖出處殊理弗神人隔君今有今
子治諸傳家克廉吏詎難爲儒生終報

國我詩采芻言非諛亦非激聊備史家書兼爲時賢
策

和高麗許澹石

櫟韻

夙聞東海士磊落多英姿尙友溯殷遺矧茲生同

時往晤洪

義錫

與權

永佐

其人皆翹奇款款語情

慄敦樸無澆漓今子矢來游復此能相隨發聲叩

金石誼古無近思所願義無渝相見誰云遲

題唐鏡海萬卷書屋圖

讀書如無書不比珍玩積臯夔讀何書不學誰能
議後人雖讀書乃昧忠孝字亦有八風舞五經俱
掃地彼哉溝瞽儒識字不識義遂令盲俗人動以
儒爲戲之子獨古心所好與時異傳德本家箴詩
禮先聲嗣人言七業修心若六經醉結廬湘江隈
萬卷森位置墳典羅殺饒京都供鼓吹譬之大厦

成先藉衆材備取精用自宏裨販非所利松煙蕉
雨中坐擁百城歸想見窗楹間日與古賢比爲富
匪多文妙等筌蹄棄我家有書堂疏柳荒空翠因
君老屋景起我故山思此圖良足模此屋諒非寄
聖域况宏深擴作萬間底

琴魚

水族衆維魚大者侔山嶽亦或以寸計其名曰白
小獨有琴臺魚細乃逮分秒龍頭與鳳目認之難
了了團類累黍成密比抽鍼巧但見黝而黔莫辨
腮與腦暮春三月初水暖涇波杳此魚出臺前依

稀若相造濃煙聚一撮巢隄紛丹鳥周流水石閒
自謂江湖繞老饕見而饒舉網接潛藻香薰佐茗
筵拈食入指爪千條併一命不供半嚼飽嗟此么
麼物於魚亦已眇誰令成此形生意太潦倒聞昔
琴高生煉藥求不老提攜丁法海赤鯉穿雲表金
丹躍洪爐餘渣溪上搗化形爲此魚厥類本幽藐
遂爲咀嚼資歲受縑督擾不隨雞犬昇留配鮑與
藁琴高去不歸此魚長苦惱太息神仙人作事殊
草草聊爲停筇吟水遠歌聲浩

賀耦耕夢余訪之輿衛導從有金牌書錢神斂跡

四大字周覽其齋似欲共居者來書述其事且
紀以詩賦此答之時癸未秋杪

賀子有安居早從詹尹卜仁山我其顛智水湛其
麓左右道德林前後詩書塾憶我十年前見君事
畚築擇善如擇鄰執藝如執木始焉基獨培繼焉
簣屢覆工修謹茨塗匠成勤樸斲研幾美哉輪極
深刻之桷因窺數仞牆特立賢關卓蔣徑集羊求
此屋我原熟栖栖塵土中梁月縈幽獨何來疇昔
夜訪子命童僕入門一笑歡風景森在目防意路
翦茅虛心庭種竹賃廡我欲云索居舊游觸獨怪

先來時導從紛繭簾饕餮鏤禹金欲使羣邪伏嗟
我養未宏作事自表暴腐朽本非神何用太驚俗
况此墊溺時幾處地沈陸大廈庇未能抱慚眞碌
碌割俸豈爲廉聊設熬粥時方率屬捐廉煮賑白簡亦人
情爲懲一路哭此意定誰知同心惟子欲人生馬
牛走知足期不辱何當下澤車同訪龐公屋買山
諒未能鑑湖留一曲

新莊舟中遇雨

今歲苦霖雨平地成汪洋居民喧避水散走如麀
鹿惟見隄埂下白浪掀茅房時有一舟來屋頂橫

牙樯人思鞭陽石不敢呼商羊邇來已半月雨息
猶溼澎湃行敗圩裏溼熱殊莫當溼熱非所惜吾
民正災荒轉恐高阜田枯槁重受傷驟然聲忽來
如灑十斛漿雲山出嫩綠枕簟生微涼誰云雨無
正時哉汜可康庶微諒有應念之稟難忘詩成雨
亦止風水涵清光是日赴宛陵午過新河莊

舟中望棲霞山

棲霞如麗人秀質何惹蒨掩袂大江隈可望不可
見飄飄雲氣深曖曖樹陰轉舟行煙望遙時復露
一面上有最高峰矗起旁無援慨想登峰人俯視

浮雲變何當御天風從之冷然善

潘功甫以宣南詩社圖屬題撫今追昔有作

一人坐檐楹一人立階祀二人前據梧三人後隱

几復有空庭下二人同徙倚借問公等誰相羊集

於是披圖半舊好面目差可指憶昔創此會其年

維甲子賞菊更憶梅名以消寒紀嘉慶九年初舉此會朱蘭坡齋

中以賞菊爲題吳退旂齋中以憶梅爲題與者夏顧洪聚散一羣耳顧南

雅夏森圃洪介亭皆入會明年秋余以艱歸諸君亦多風流雲散矣先甲逮後甲輩

子復繼起甲戌冬董琴一涵復舉此會爲登高呼應者從風靡

朱胡及錢謝右鞬而左弭益之陳周黃重以蘭芙

蒞朱蘭坡胡墨莊錢衍石謝薌亭陳石士周肖濂
黃霽青吳蘭雪李蘭卿劉芙初梁蒞鄰皆先後
與會譬彼鬢相圓不與斯爲恥觴閒展豪素座上發

宮徵齋酸辨宜窯殿瓦接雍時茶經與邕帖往往

窮日晷

宜德熊壇銅醴甘泉宮瓦研
安化茶岳麓碑皆當時詩題

和答有元白

攻伐無王李交偕水乳親義借山石砥匪日築騷

壇庶以廣經壘潤色太平業歌詠同朝美浮雲一

分飛南北愁風水我行叱馭西諸公亦頻徙尙記

萬柳堂離筵共杯醕

己卯夏余備兵川東諸
君祖於萬柳堂有詩

林程

本後來

林少穆程雲芬二君
自余出京後始入會

不久亦出使自餘各

無恙時有書一紙文章述東壁冠蓋稱南里雞鳴

風雨夜夢想多遙擬忽從圖中晤恍惚吟肩時自

三舍人外諸任我悉齒

功甫及湯茗孫張士林
三內翰皆續後入會

我

戟宣武坊昔我會居此四遷未始離破屋聊棲止

余初居永光寺西街旋移椿樹頭條衢衢上斜惟
街順城門大街教場五條衢衢皆在宣武坊南

見古槐街綠菴河之涘而君宅其間賓主錯綦履

搏沙聚豈常伐木情何已平生文字因小涉雕蟲

技結習未能忘見獵心猶喜知君大雅才早歲詩

聞鯉鸞臺無細音相期颺盛軌

題顧俠君先生小秀塋圖應杏樓工部卽送其之

京兼簡吳巢松

春風吹柳條新綠搖無勒臨歧顧虎頭出圖勝祖
德大雅未云遙風騷尚可憶公昔在書局聲華重
京國出岫非雲心選詩見風力僦居宣武坊志不
慕華飾爲圖寫故山徵詩多典則文章啟後昆根
柢深培植祖幹故屈盤孫枝復奇特手澤索我題
辭之弗能得慨想圖中人可望不可卽

圖中題詩
自王漁洋

朱竹垞姜西溟尤西堂陳
滄洲諸公以下凡十九人君今出山去豈爲富貴

逼驂騶騁丹青一顧空冀北記取讀書堂數椽碧

山側往事非浮雲前賢重遺墨此行遇吳公當壯

賈生色

巢松時督
學山東

夜臥一首示鄧子葉子時在揚勘水

夜臥不能寐推枕自起立驟雨打篷來萬溜射桅

急作勢不可回一隙穿窗入飄飄燈燭光席案皆

灑溼今年夢有秋春雨頗周匝野畝綠如煙處處

見饑饉屈指旬日間禾稼行當納頻年饑饉餘得

此望家給豈知陳登湖多年失修葺一朝大雨行

濁浪恣捲吸長隄亘一綫殆哉危岌岌火符浦上

來連夜啟壩牖始也三河開

洪澤湖口門有仁義
禮三河智信兩壩

繼之兩壩決高浪駕霾雲平地走川峽車南逮中

新

車邏南關二壩及中新二
關洩水入下游地在高郵

一一水響答岸懸魚

鼃奔梁起鼃踏昨聞敢昭關

在甘泉境

下游驚欲啞

捨死臥壩頭千人同一拉力阻既不能失勢蝸石
塌可憐稻如雲不得半口呷紛紛哭且逃牽挽何
雜還前者挈甌罍後者攜筐篋夫號鏹趙遺婦呼
箕帚挾稍稍見埋身延緣走相躡鋌險等鹿麀渙
散若鳬鴨露處蒲葦間不辨姥與妾惟聞兒女聲
索食類吠蛤哀哉斯時民性命輕一葉此水從何
來河伯敢作孽側聞湖河間崇論頗張喻或云北
壩開庶使南水掣或欲注之東改圖路更捷凡此
遠大謨諒難管蠡測桃花春水濃瓠子秋風澀人

無黃鵠歌池有昆明劫我聞清刷黃昔賢著成法
收蓄既不能底用事畚鍤湖西濱廿里歲歲苦沙
壓曷不取此淤以補東隄夾載之一帆耳能用幾
艘牒隄成水自潚淤去湖不狹以此策黃流豈在
多檢柙不然主客岐終恐成躋踣况乃民其魚何
由拯困乏罪言我豈殊因君慚汗浹雨止夜方闌
如聞蛟吼匣

吳梅梁侍御請以唐陸宣公從祀

廟庭有

旨下部議行侍御寄示疏稟賦詩紀事

文章本性道源流故無異學問與事功用行體益
備孔子言不倦志在救當世鄒嶧匪好辨所嚴在
義利晚近務虛浮道治判爲二華言而榜行夫豈
尼山意有唐有陸公夙負王佐器動物惟以誠肫
肫期道濟興元一詔下悍卒皆墮淚平生所獻納
百篇悉仁義雖逆猜主鱗無改匡時志吾君與吾
學兩者庶無媿儻使游聖門文行兼政事縱非淵
騫儔豈在求偃次云胡千年來增祀頗相繼而獨
遺斯人幽光任終閤欣逢

聖天子表章及純懿堂堂御史君拜疏陳正議歸然東

庶下木主煥新製頗興豪傑心快作吾道衛豈非
前後賢曠世一相值忠州我舊游吳郡我今莅
碑雖有樹忠州翠屏山有公舊居處州人守家尙
思置公葬吳縣今其地名陸墓陽湖陸際茲上丁
薦不盡高山企作詩詒吳君懷古發深思

題松堂老人讀書圖應湘皋

老翁出鄧林家世修七業平生味義根幽討非月
涉我未見老翁見翁之後葉奇氣苗天葩清芬宛
可接不見溪窗閒香風搖五鬣

洞庭四大水沅澧與資湘三水名最豔惟資天一

方介處沅湘間導源自都梁冠蓋所不至黠淡無
由彰至今茱萸峽落莫多孤芳我居石潭上君居
臨小洋右眺梅銷城左顧善卷堂神山高萬丈神
在新化安化之交安能鬱不揚君看老松骨終作
俗云高萬丈也飛虬翔因君述祖德益我恭維桑

聞翁昔教授桃花江上頭其南有卷阿蒼然山欲

浮

浮邱山在益陽桃花江上仙人浮邱伯隱處

其北亦有山清立謂之

修

修山即湖山在資江北岸

兩山若門戶資水出所由憑高望

江漢滔滔水長流浮邱與軒帝仙跡如可求我昔

侍先子樂哉臨斯邱惜不與翁遇虎溪一笑留

與君皆硯食慨然懷舊游

此堂不數間此松已千尺人言宏景樓或云揚子
宅枝高見道心髯老參古格溜雨入孤根往往成
虎魄因知漸漬深原是詩書液

題石琢堂師獨學書室圖

昔我年未冠入學初釋奠巍巍數仞牆綴行皆北
面維時大宗師長揖進羣彥霽景豁春雲神眸炯
秋電論文絕點塵光彩生顧盼

乙卯入縣學師批
余卷云清新無半

點塵
氛氣

此景卽當前世事壺激箭廊廟復江湖廿載

風輪轉竭來金閭城重獲執經見書堂柳色深淨

綠搖惹禱諸生魯國英入座和風扇廬榜愛吾新
山謝招友街因思古今來曲學驚聲援言瀧類楚
咻訟聚嗤齊諺時聞虬樹爭可悔蝸牛戰先生默
無言謹獨成專善曠懷斗室中非狂亦非狷落落
老窮經誨人猶不倦杖履寫屏風古淡須眉現頽
面而豐頤衣鉢人前羨先生瞳欲方弟子髮亦霰
頗憶岳麓山大塊文章綯先生使事竣屏寫從游
岳麓羅慎齋前輩贈詩
云紅塵隔斷平沙外清福流連好日中先生留和
云白雲紅樹秋容綯始信文章大塊工一時傳爲
風雅往事會同陳滌暑茶堪煎

重修滄浪亭成梁荳鄰方伯作圖因識以詩

亭樹立清森水石互縈帶雖處市闐中宛在煙霞
外訪古跡斯留選勝地尤最一時賢豪栖千載游
人慨緬昔濯纓子寄迹遠塵械已無仕宦羈何有
升沈介惟餘風月情長此詩境界前輩屢經營吾
儕復攘刈殘枿覽小山曲檻俯寒瀨彷彿濠梁間
觀魚意微會當年

六飛駐

舜目寄遐睎同樂及斯民至今囑

翠蓋側聞吳兒歌時哉正康泰幅巾偶一來聚觀雜耆艾
使君爲此圖豈但紀興廢試聽滄浪吟循謠亦夫

籟

滄浪五老圖詠

有序

滄浪亭旣成與蘇城諸老觴於亭上林木掩映
水石回環好事者遂摹繪爲五老圖五老者前

內閣中書潘三松先生

奕傳

已丑進士年八十

八時方坐亭上右手倚石牀而弈與之對局者

前刑部尙書韓桂齡先生

對

丁酉拔貢年七十

有一坐水窗持竹竿而釣者爲前山東按察使

石琢堂先生

韞玉

庚戌進士年七十有二其一

仰臥於筍石間手書而觀爲前掌山東道監察

御史吳玉松先生

雲

癸丑進士年八十一最後

一人拈髭而行吟蹙然若有所思畫手謂此老
爲江蘇巡撫前壬戌進士安化陶澍也余年甫
五十而畫者遽以老目余蓋昔歐陽公守滁州
年甫四十號爲醉翁蘇子由官宛邱甫三十三
而坡詩屢稱爲先生然則余之得與於諸老人
列也亦固其所執醬而饋執爵而酌養老之典
尙矣矧邦之賢大夫乎旨酒旣陳爰執筆而申
之以詩

天氣秋後清水木疏以潔林花約客來乍放一枝

雪招邀敦古懽勝踐感佳節壺觴此地宜洛社風
景別良會集耆英例我祝哽噎高臺送遠眸流水
鑑稀髮維時坐上人長眉多老耄二老七十強二
老齡逾八爛柯一局棋釣臺一竿籊更有一卷書
受之自黃石惟餘後一人倚樹孤吟發未老顏色
老論年剛半百杖鄉杖國朝公然與其列譬之五
老峰中有小山岳又若五老松一株雜栝柏天谿
解衣冠塵土洗靴襪杯茹葛井甘盤摘綬山核恍
惚醉翁亭四面青山色諸公本霖雨灑潤及廣陌
已返吳岫雲尙記洞庭月論文幕入賓

玉松先生
嘗入湖南

學使褚公

廷璋幕

奉使星占客

三松先生癸卯典試貴州路經辰豐琛堂先生癸丑

視學

湖南豐蘭與沅芷

桂船先生嘗爲岳常豐道又爲湖南布政使

芳馨猶

未歇今我來是邦面目湘山堡跡代燕雁飛候偵

鷓鴣革固知歸計疎不及諸老決猶欣賢大夫蹤

跡不我隔蒹葭寒露間一水城隅白方今

堯舜時四生民已得攜持商山翁游泳華胥國請陳康

樂書卽是長生訣

虞山拜言子墓

三桓在聖門孟仲多良士亦有禮許人汰哉稱叔

氏平生議論間師沒荷闕里何年南方來海隅有

居址馬遷記吳人所本蓋世史箕山許由冢考古
多疑似我來昆湖南有墳此高峙山名昉虞仲墓
門復伊邇緬茲四科英再拜薦潯水此邦富文學
高讓亦前軌兩賢豈相阨何至煩鉤矢周言二氏
前因墓道
爭訟屢年始息末俗愆乾餼學道宜易使無爲誚賤儒詩
書敦耒耜清風颯然來松檜發宮徵慨想絃歌聲
肅然增仰止

戊子二月初九日赴吳淞勘工過嘉定之安亭鎮
時新建震川書院於菩提寺左甫落成遂宿院
中行釋奠禮紀之以詩

午過安亭鎮岸柳春風香縈紆小江曲古寺翳修
篁云自赤烏年歸然曾靈光往者項脊生讀書此
寺旁長虹韜氣馱獨鶴參回翔遺編守淳古四海
有文章其時王李輩聲勢殊鴟張先生抱寂寞豎
子任披猖獨攜二三子講學來荒莊卒使鹿角折
尊之韓歐陽於韓儻揖讓於歐綽相當千秋一知
已淚灑張茶鄉茲寺亦寥落薜荔被圍牆重是先
生蹟傑構起書堂仍借魯諸生采藻薦筐筐我行
爲荒度奔走汜未康厯觀水利書先生議獨詳太
湖三萬頃吳淞引其吭疏導有定勢小快嗤曲防

不然涸太湖豈爲農之慶斯真通儒言堪以福維
桑扁題揭高閣未足資表揚一讀畏壘記慨然起
徬徨

題滄浪亭新建梁高士祠

東漢多逸民避世慕高尚羊裘垂釣外伯鸞與相
望太學始受業博覽實宏亮不爲章句儒其志詎
可量胡然賦五噫去國如有悵是時當孝章朝政
故無恙思從巢許游遂變衢民唱賃舂力所甘冷
爨氣殊壯至今伯通橋清波猶蕩漾餘風厲頑懦
高躅振頽放瓣香誰爲陳懷古思揖讓滄浪闢一

弓方伯實主名賢五百人志行不同向伯鸞出
其間禮絕分庭抗魂兮尙歸來莫戀要離壙作詩
諗吳人聊雪范升謫

李芸甫水部於桂林北郭作園以書索題

蒼梧南岳南桂海古稱異峭壁立半空飛峰走平
地洞古雜徃言谿迴瀾松吹勝境卽逍遙巖谷自
深邃山林城市間嘯傲此堪寄快哉桂下孫幽棲
動遐致顧瞻闔闔餘根蟠吐清媚惜爲榛蕪淹接
剔如有遲結構極經營卑崇區位次梯空棧犖确
厂石竅鬼歸薜披蝕雨斑竹引含風翠木茂樂禽

音花香歡蝶翅澄潭百尺森高竄一泓泌主人時
一來披襟風颯至臺榭倚煙霞軒檻俯蘅茝蘭成
宅外畦矍相筵前解碧藕截爲筒夕陽坐醺醉延
緣亭樹邊幽情增暢遂淘汰祛俗因俯仰得真意
雖無陶定游可乏柳州記書來神一怡佳致動遙
企何當謝塵鞿入林斯把臂

次程梓庭中丞訓族詩韻

黃山天下奇瑰瑋孕百族朝楨與國寶大雅踵相
屬舊姓溯陳隋靈洗有詒穀我友起篁墩楹書自
披讀早歲入秋曹明允衆所服無爲在省事平情

乃袪欲偶旬示軌繫

當書無多事無廢事庶幾無事不徇情不矯情乃能得情

數語揭

檻間

不與俗吏逐獨得法外意春秋決事熟遂

蒙

聖人知纁帛薦琮玉致

君若堯舜奚止誇折獄屏藩寄來旬鈇鉞得專戮中州

風雨會何幸旌麾辱名偕嵩室高澤沛沛洛足盜

賊絕荏苒禮義興比屋前年奉諱歸墨線換文縠

猶以讀禮餘垂訓化鄉俗人生亦殊難嗟彼嗜死

篤

所著養生格言極言鴉片之害

朽壤壓脂膏毒草晒罌粟青燐

閃熒熒鬼伯相促續苦海佛心慈肘後仙方錄

鴉片

已成疾者十全大
補湯和煙灰服之
陷溺者可無滯心腹又念俗遷流猶臭移蘭穢生
計日以薄爭端日以蹙顏波孰爲防積垢當息浴
合族萃期功秩秩而穆穆作詩數百言義比秋霜
肅稼穡念艱難存亡警宵夙雖爲一家訓化行自
第薦君今覲

天子名且金甌覆
仰召望膏雨所至起沈伏我忝手足
交莫惜藥言助

題雪湖高士楊稅遺像

聖朝重忠義

褒及勝國臣三王不書偽大義古今存尚憶桂管間夕景

垂孤絙有臣瞿與張崎嶇力彌殫魄啼杜鵑苦肉

委烏鳶殘何來麻衣子痛哭將軍前身從瞿公幕

瞿公同危安瞿公今暴露請得襚而棺將軍初弗

許四日淚不乾淚盡繼以血白日風淒酸卒感包

胥誠得歸先軫元竝收張都督下逮徐將軍與陳

參將陳世賢幕友陳科此時楊高士義聲騰三軍義聲既以

騰冥鴻何翩翩拂衣吳江上吟詠終天年誰歎序

其詩稼書言有云誰歎爲之傳南塘述所聞瞿公

留守時有孫曰昌文閒關萬里外紀事成三篇取

以證斯傳往往符所言我昔虞山游弔古增流連
礎礪拂水巖上有瞿公阡爰呼鴉嘴鋤爲種梅花
根梅花顏色好月夜來孤魂余游虞山爲忠宣賦詩種梅祠雲
與亭樹浩淼湖光吞余屬陳芝楣觀察於虞山劍巖之上建雙忠祠以祀瞿張
二公並作倚劍亭前臨昆湖護衛責守土敬以宣

恩綸

二公於乾隆年間

賜諡庸知日月照尚有幽光淪及茲攷軼

事君友誼何敦滄浪繪像時惜未覩斯人斯人在
虞山已曾配松仙松仙不可見瞿張廟方新容當
作栗主劍巖分匏尊

次韻和張芥航河帥

并

自黃河口出海夜泊開山

口作

五行水生一浩浩天與配奠定自姒王距海功永
賴泥橈而山樛跋涉多淩汰疏淪息橫流肯受沙
石濺一自河南徙宣瓠時有誠水衡鉅萬貲但償
河伯債白圭何代無高議凡幾輩河渠與水經兩
口哆然大函人矜爲甲衣之乃苦斷未會一葦杭
底用三尺喙張侯秉節來時正分妬夫十指錐盡
沙寸心量就槩勤周籠甬餘備溢菱玉外攬轡矢
澄清滄瀛瞭襟帶頻年駐清浦曲直審向背淮徐
邳宿間何處不躬屈黃流飽中脰弩勢激迴瀨聞

有攔門沙尾閘阻澎湃心雖不謂然境未與目會
遂泛沙棠舟直指蓬溟界海若果爲梗無難撥其
悖調言笑耳食外沙不侵內河流自挾沙積漸已
成閼因慄排決理洞澈了無闕業已兩尖出何弗
一帆挂鼓勇挾雲奔飛樯逐電邁乾坤一搔首惟
見斗筐戴蒼茫滄洪間坳堂渺杯芥方知鵬徙神
益信蛙居隘瞬息數百里風穩桅檣快三山與十
洲恍惚青浮碎蜃郎挈龍女倉卒失黠獮奇絕不
負游驚定還作態縱筆展鯨綃組詞麗島貝緘題
遠見貽舟誼感其載猶憶丙戌春海運趁新籟其

時高堰隄因風已畚漬神倉啄飢鳥奚暇論美稗

賤子竊負孱集謀期起敗爰尋遼左途更續瀛洲

話初日出神山萬里開黠黠振衣上高臺海氣盪

蒙晦舳艫轉余山鉞路南北對閃灼朝百靈翕戢

狎羣怪蓬壺琪樹邊望影多可愛蓮疑太乙乘靈

已風伯丐頗饒唱和篇傑句幾人最

拙作海運初發登吳淞磯

臺四首和者成帙

往事浮雲非遺跡桑田昧頻年牛斗間

佳氣囑卿鸛仙槎任往來恃有張騫在旣欣漉沈

菑復此討流派氣壓鯨波橫力拄鼇山壞此行小

天下險若山登太尉知爲水難曠觀窮利害竊惟

河與漕相倚如駟狙治河必以淮滌刷流可沛治
河北以海建佩勢始殺有侯拯鴻波許我偃虬蓋
東南財賦區曷以蘇困瘵更望經

國猷政成資夙戒

庚寅九月二十日自武家墩晨發勘視堰盱隄工
周歷洪澤湖往返三日慨然有作

一堡二里半三堡七里餘

高堰一二三堡爲清江浦最險之區 高堰

十八堡其南卽山盱山盱堡十六周橋爲之樞洪

湖未堰時淮水此東趨至今風雨來奇險防疏虞

橋南接黃岡

周橋南卽八堡地名黃岡寺尤險

二壩別以區二壩

曰智信洩水東歸墟稍西林家壩又西稱攔湖

蔣家

壩卽攔湖壩

是爲盱眙境宅土有市衢其民數百家且

賈且耕漁有閘曰臥虎地與三河俱三河仁義禮
僻處山之隅是在堡以外蓄洩全淮於往來三日
間長隄行紆徐太息此湖水混茫涵太虛作堰始
陳登於傳或有諸歷代相祖述畚築盛規模旣使
北刷黃更南通漕儲虹隄亘一綫淮乃化爲渠太
息古淮水一瀆歸尾閭奈何截其流南北不得舒
沈浸沒日月崖岸成渚圩僧伽塔已倒支祁鎖已
淤蛟龍與鰕鼈潮雜同一渚過阻思鋌險鬱極氣

必噓常恐欺薄餘浩浩民爲魚性命託老兵奔走
疲吏胥金錢歲百萬拋擲沙泥如事體洵重大跋
蹇多攀拘太息天地間得失相乘除七竅鑿混沌
成毀在須臾盜笑聖人死智欺河叟愚誰能縱天
發相與還其初涼飈隄上來颯爽吹衣裾卻望老
子山中有神人居

題劉厚庵權使錦峰校士圖次林少穆中丞韻

古者觀民風行人有輶傳陳詩先納賈教行及市
掾杞梓悉深培菰蘆詎浮扁鵬運極圖南矜色曼
纓變許野金閭西

國設左藏院樅旣富米鹽美復儲竹箭爰占麗澤孚

屬謀習坎洵訓俗在觀摩匪徒資利便權輿溯方

君羔裘實邦彥

明嘉靖中樅使方鵬始建義塾後廢

烝髦多士儀釋

幣先師薦弦歌螭前修肯謂儒爲賤此邦號文藪

佳處更近旬奇峰石作標燦爛錦初絢窗環樹入

雲案起山當面玻璃水色鋪繞席悉組練誰成內

外堂諸生此橫卷英英尙衣卿家世麟鳳見輦輓

飾朋簪笙簧侑賓饌謂此華離區義勝須道戰館

舍闕門廡餽稟助歡宴誼隆都講稱禮極高堂眷

咳南黍正華志養惠斯徧允惟老斲輪評騰識允

先朝甫老於文學
課卷均經評定

叨光長者座受裁吾黨捐禮樂

入甄錡藝成兼綽卞因知曹邴流貨殖世徒羨詩
書敦舊澤一洗關市擅此舉衆所欣繪以好東絹
題詩錦峰前石鏤霞千片我昔持節來胥江曾洗
硯景記臨風舒意未歸雲倦從君得未能披圖喜
還忭會看振鷺飛政成歌載燕

石城餞別圖送趙菊言少司寇還

朝

短亭黯離色春風飛柳花壺漿夾路衢同祖江之
涯憶君來旬初百孔勞塗苴小休未云適大殷乃

游加城頭集秋鴈竈底鳴夜蛙三年事兩見觸手
滋紛拏伐木共邪許勢等輔依車鵲鳩忽有命借
寇期從賒阻飢感

堯仁

詔爲留使槎客星宿牛斗寒谷吹溫葭出入溝壑中勞
猥紛如麻不以官六卿易我民萬家

天膏與地澤涓滴彌幽遐且喜喝蘇蔭敢謂瘡脫痂遲
子已半菽約無再及瓜悠悠秦淮水靄靄鍾山霞
送君自茲去琴鶴流聲華作圖爲道愛紀實詞非
夸

清問及江南更聽訐謨嘉

三十六湖樓

揚州古斗野自昔號都會海甸俯滄波淮山繚襟帶爲湖三十六有若川納漕濛濛洲渚間遠色浸寒瀨緬想古今來須彌同一芥臨流發浩歌欲舉一杯酌所惜眼界矇末由車去蓋何期得壯觀憑虛浩無外把酒試登臨始識乾坤大

江漢出岷嶓滔滔作南紀爲中江北江朝宗極於是黃河本北流相去幾千里瓠子卷秋風馴見日南徙循厓望江皋僅隔衣帶水淮流出其間所距

不尺咫誰歟過以隄隆隆與山擬扶水使上天刷
黃不及底可憐戴頭民觸目驚鰥鮪

國計重河漕勞勞究誰以雲帆來往中落影隨席几
卻指三神山東行一尻耳海上儻可游何當脫吾
屣

斯樓在何所地曰露筋鎮山木倚叢祠有女顏如
薜鑑水鏤清心臨湖照寒鬢昔我持節來凍檣阻
前進一夜河冰開禱香猶未燼及至渡竣時一夕
花仍艷遂荷

聖人知異事垂

清問祠勝揭

天題高與湖雲峻閣幽

帝德巍昭應神功運斯樓傍水涯喜與神明近升高可賦
詩涉波仗忠信

假歸過司徒嶺作時丙申展重陽日

乍入司徒嶺故鄉欣在望夜宿白雲端晨立青鰲
上井里蔚桑麻煙霞森列嶂卻指印心廬未到神
已旺

調琴飼鶴圖應唐運副

錄

一琴復一鶴清獻以自隨遙遙八百載乃與君爲

期君家老方伯循良衆所推經濟適時用博雅宏
風儀爲治如張琴立廉和以絲九皋一振響遂荷
聖明知至今高山仰猶存飲水思欣有繼聲彥翛然出
塵姿陶情託瑤軫養翮栖園池一彈再彈後鼓之
仍舞之在陰子斯和森森挺瓊枝無爲弦更張努
力鳴

昌時請繹趨庭語開卷卽良規

任階平太史

泰

手書十三經注疏凡十有一年而

成帙許玉年爲作寒夜寫經圖因題其後

六經與天地並立無終極自從漢氏來經師蓋有

力諷字逾九千令史祿可食寫書有專官掣脫曾
弗惜古拙今則巧剗剗代不律猗維毋昭功舉世
獲其逸學人手口目皆與心爲役目涉口則隨相
因最便捷至拙莫如手疾書猶弗及每當停待時
把筆望吟覲目過乃復返口翁還更關往往忽不
經猝然解以春始知果味回殊勝啖蔗得任君秉
家學釣臺有遺澤君曾祖釣臺先生以經學名世十載空山中楹
書自疏剔百金買不龜風雪恣泔泔遂窺天祿藏
欲奪侍中席世儒憚心耕動薄鈔胥職麗記雖日
羸樸學已漸失困勉獨何人請觀此副墨